

TIOTAL-OBRACH	Co-òrdanaiche STREAP
ROINN	Roinn Teagaisg, FOGHLAM
AN URRA RI	Stiùiriche Gàidhlig is Foghlaim
UALLACH AIRSON	Oidean STREAP, Neach-taic Rianachd
SGÈILE THUARASTAIL	£30,000 <i>pro rata</i>
PRÌOMH ÀITE-OBRACH	Subailte
CÙMHNANT	Cùmhnant seasmhach, pàirt-ùine 0.2 FTE (c. 45 latha sa bhliadhna)

PRÌOMH AMAS NA H-OBRACH

Co-òrdanachadh a' chùrsa STREAP agus a' dèiligeadh ri oidean, luchd-maoineachaidh (Riaghaltas na h-Alba), co-obrachaidhean agus oileanaich a' chùrsa

PRÌOMH UALLAICHEAN

Sgilean is Eòlas:

- Fileantas sa Ghàidhlig (labhairteach agus sgrìobhte)
- Comas a bhith a' co-obrachadh aig ìre phroifeasanta le oileanaich agus co-obrachaidhean
- Sàr sgilean sgrìobhaidh agus ICT (sgrìobhadh aithisgean, ullachadh phlanaichean margaideachd, ùrachadh leabhar-làimhe agus ag obair le Excel)
- A' planadh agus a' stiùireadh choinneamhan sgioba, agus a' ceartachadh geàrr-chunntais agus planaichean gnìomha.
- Tuigse air deagh-ghnè agus siostaman stiùireadh deagh-ghnè phrògraman Àrd-ìre (measadh, sgrùdadh is eile).
- Tuigse farsaing mu shiostam foghlam na h-Alba agus dùthchannan eile gu h-àraid co-cheangailte ri FTMG agus dà/iomadh-chànanachas.

Prìomh Dhleastanasan:

- Ag obair leis a' Cho-òrdanaiche Prògraim, Oilthigh Obar Dheathain (Stiùiriche Cùrsa), an Oide Sgilean Phroifeasanta (OOD) agus an Comhairliche Prògraim (SMO) a' cumail sùil air libhrigeadh agus deagh-ghnè a' chùrsa.
- A' conaltradh gu tric le co-obrachaidhean san Riaghaltas agus a' coileanadh feumalachdan bliadhnaile m.e. aithisg bhliadhnaile agus fiosan eile a thaobh buidseat a' phrògraim
- Ag aithris dà thuras sa bhliadhna dhan Bhuidhinn-stiùiridh (SMO)
- A' coinneachadh ri oileanaich, le taic bho Neach-rianachd a' chùrsa
- A' margaideachd agus a' sanasachd a' chùrsa, ùrachadh agus leasachadh a' phlana mhargaideachd agus a' dèanamh lèirmheas air margaideachd a thachair.
- A' cumail fios ri oifis ionmhais na Colaiste agus OOD airson aithrisean ionmhais ullachadh
- Ag ùrachadh leabhar-làimhe a' phrògraim agus sgrìobhainnean eile co-cheangailte ri STREAP.
- Co-obrachadh le OOD gus cosgaisean aontachadh airson a bhith a' libhrigeadh a' phrògraim.
- Ag obair le Stiùiriche a' Cùrsa agus Neach-taic a' Phrògraim (OOD) a thaobh iarrtasan, oileanaich a thaghadh, clàradh agus coileanadh a' chùrsa.
- A bhith a' leantainn riaghailtean slàinte is sàbhailteachd

Tha co-ionannachd chothroman aig cridhe Shabhal Mòr Ostaig

- A' coileanadh agus a' leasachadh deagh-ghnè na Colaiste agus a bhith a' gabhail pàirt ann an leasachadh proifeasanta agus pearsanta
- Obair iomchaidh sam bith eile a dhèanamh mar a bhios feum aig a' Cholaiste bho àm gu àm.

Seo tuairisgeul air an obair mar a tha e. Sa chumantas thèid beachdachadh air seo bho àm gu àm gus dèanamh cinnteach gu bheil e iomchaidh agus gus atharrachaidhean sam bith a dhèanamh. Thèid seo a dhèanamh leis an neach-obrach agus am manaidsear aige/aice agus mar sin thathas a' sùileachadh gun gabhar pàirt anns na còmhraidhean seo. Tha Sabhal Mòr Ostaig ag iarraidh gun gabh cùisean aontachadh leis gach neach ach far a bheil seo do-dhèante, tha còraichean aig Sabhal Mòr Ostaig air atharrachaidhean ciallach a dhèanamh a rèir tuarastal an neach-obrach às dèidh bruidhinn ris/rithe mun chùis.

06/03/2018

Iarrtasan:

Tillibh am foirm-iarrtais agaibh gu:

Roinn Sgiobachd
Sabhal Mòr Ostaig
An Teanga
An t-Eilean Sgitheanach
IV44 8QR
No air post-d gu obair@smo.uhi.ac.uk

Ceann-là airson iarrtasan: 16 Màrt 2018

Tha co-ionannachd chothroman aig cridhe Shabhal Mòr Ostaig

Amas na Colaiste

Tha Sabhal Mòr Ostaig airson a bhith na shàr ionad aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanaidh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-ghnìomhachais agus a' choimhearsnachd air fad gus leasachaidhean sòisealta, dualchasach agus eaconamach a chur air adhart.

Fiosrachadh mun Cholaiste

Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir gan ruith tro mheadhan na Gàidhlig - an aon Cholaiste den t-seòrsa seo an Alba. Tha a' Cholaiste ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.

Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar ionad airson cànan agus cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus cothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chànain, a' chultair agus nan ealan agus tha e an sàs ann an iomadh pròiseact gus seo a thoirt air adhart.

'S e colaiste ùr-ghnàthach a th' ann an Sabhal Mòr Ostaig agus tha e na chom-pàirtiche acadaimigeach ann an Oilthigh na Gàidhealtachd is nan Eilean OGE. Tha goireasan ionnsachaidh air leth ann, leabharlann sònraichte fhèin math agus tha àiteachan-fuirich agus ionad cùraim chloinne air an àrainn.

Aig a' cheart àm, tha còrr is 100 oileanach clàraichte air cùrsaichean làn-thìde, mu 350 air cùrsaichean air astar agus bidh suas ri 1,000 oileanach a' clàradh air cùrsaichean goirid gach bliadhna. Bidh deagh mheasgachadh de dh'oileanaich a' tighinn don Cholaiste, aig diofar aoisean agus à diofar àiteachan. 'S ann às Alba agus an Rìoghachd Aonaichte a bhios a' mhòr-chuid ach tha oileanaich air tighinn thugainn às na Stàitean Aonaichte, dùthchannan Eòrpach agus Àisia cuideachd.

Tha luchd-ceumnachaidh an t-Sabhail air a dhol air adhart gu dreuchdan Gàidhlig ann an iomadach gnìomhachas, a' cur nan sgilean aca gu feum ann an leasachadh a' chànain.

'S e stèidheachd ionnsachaidh bheothail, adhartach a th' ann an Sabhal Mòr Ostaig, a bhios ag amas air coimhearsnachd Ghàidhlig làn mhisneachd is soirbheachais a bhrosnachadh. Bidh fàilte chridheil romhaibh ann.

Barrachd Fiosrachaidh

Airson barrachd fiosrachaidh mun Cholaiste, theirigibh gu www.smo.uhi.ac.uk no, ma tha ceistean sònraichte agaibh, cuiribh fòn no post-d gu Nicola NicThòmais, 01471 888 301 no obair@smo.uhi.ac.uk.

Tha co-ionannachd chothroman aig cridhe Shabhal Mòr Ostaig